

SAJAK PESAN IBU BERIBU RIBU

SAJAK	MAKSUD
<p>Kita ada ibu ibu kita satu pesanannya beribu-ribu.</p>	<p>Setiap manusia dilahirkan oleh ibunya. Oleh sebab itu, kita memiliki seorang ibu sahaja. Walau bagaimanapun, nasihat ibu kepada kita terlalu banyak</p>
<p>Setiap langkah kita diiringi pesanan ibu "buat begini jangan begitu bacalah buku selalu kukuhkan diri dengan ilmu pilihlah kawan yang mulia hati tolaklah kawan pementing diri pilihlah kawan yang punya petunjuk tolaklah kawan penagih rokok." ibu yang satu menyekat kita di pintu bertanya ke mana arah tuju "jagalah diri selalu di luar sana mungkin bencana menunggu." Kita menjadi jemu mendengar pesanan ibu beribu-ribu tapi ibu tetap ibu pesanannya bertambah satu dan satu "jangan dibiarkan kepala berkutu carilah ubat jerawat batu."</p>	<p>Ibu sentiasa menegur dan menasihati setiap tindakan kita. Antara nasihat ibu yang biasa kita dengar ialah membaca buku dan menimba ilmu pengetahuan. Selain itu, ibu juga sering menasihati kita agar memilih kawan yang berbudi pekerti mulia dan boleh membimbing kita ke arah kebaikan, bukannya kawan yang mementingkan diri dan bersikap negatif. Pada masa yang sama, ibu selalunya akan mengambil tahu akan aktiviti kita dan akan memberikan nasihat supaya menjaga diri kerana banyak bahaya dan cabaran yang akan kita hadapi di luar sana. Walaupun kadangkala kita jemu akan pesanan ibu, namun ibu tidak akan berhenti daripada memberikan pesanan dan nasihat agar kita dapat memperbaiki kelemahan diri dan mencari penawar kehidupan yang mujarab.</p>
<p>Suatu senja seorang temanku merintih kerana kehilangan kekasih kini baru disedarinya pilihan musang berbulu amab biarpun menyamar cekap ada masa masuk perangkap Si bedul sudah ditangkap Si Bedul masuk lokap</p>	<p>Pada suatu lewat petang, kawan penyajak meluahkan kesedihannya akibat putus cinta. Rakan penyajak telah sedar bahawa bekas kekasihnya seorang penipu. Kekasihnya itu mengambil kesempatan untuk mengaut keuntungan dalam percintaan mereka. Akhirnya, bekas kekasihnya itu telah ditangkap dipenjarakan.</p>
<p>Dia menyatakan kesalnya kerana dia alpa ibunya berpesan sejak dulu "pilihlah kawan yang bermutu jangan dipilih kawan berhantu"</p> <p>Mengenangkan nasib temanku itu aku merindui pesanan ibu Ya, pesanan ibu.</p>	<p>Kawan penyajak meluahkan perasaan kesalnya kerana telah dia lupa akan nasihat dan pesanan ibunya supaya memilih kawan yang baik, bukannya yang jahat. Apabila terkenang akan nasib kawannya, penyajak tiba-tiba rindu akan pesanan ibunya yang banyak memberikan kebaikan kepadanya</p>
<p>Ibu, kuyakini kau mengenali yang mana permata, yang mana kaca yang mana budaya, yang mana buaya berilah pesanan beribu-ribu malah berpuluh ribu aku tidak akan jemu ini janjiku kerana aku tahu sempurna seorang ibu dengan pesanan beribu-ribu.</p>	<p>Penyajak yakin bahawa ibunya bijak dalam menilai perkara yang baik dan yang buruk. Oleh sebab itu, dia berharap agar ibunya terus memberikan nasihat kepadanya. Dia berjanji tidak akan berasa bosan mendengar nasihat tersebut kerana ibulah insan mulia yang paling memahami dan mengetahui anaknya</p>

1. Berdasarkan rangkap kedua, apakah pesan ibu dalam memilih kawan?

2. Nyatakan dua pengajaran yang terdapat dalam sajak tersebut.

3. Ibu akan sentiasa memberi nasihat kepada kita.
Pada pendapat anda, mengapakah ibu tidak pernah jemu menasihati kita?

4.

	GAYA BAHASA	CONTOH AYAT
1.	Asonansi	
2.	Aliterasi	
3.	Personifikasi	
4.	Sinkope	
5.	Anafora	
6.	Responsi	
7.	Epifora	